

叢書集成續編 第二三九冊目錄

文學類



詩文別集——明

節菴集八卷續編一卷.....	明	高得暘撰	武林往哲	一
周貞人集一卷補遺一卷.....	明	周思得著	武林往哲	五七
琴軒集十卷.....	明	陳璉撰	聚德堂	六七
于肅愍公集八卷拾遺一卷附錄一卷.....	明	于謙撰	武林往哲	二七九
青谿漫稿二十四卷補遺一卷.....	明	倪岳撰	武林往哲	三五九
定山集十卷.....	明	莊昶撰	金陵叢書	六二一

𪛗

𪛗

𪛗

八

𪛗

𪛗

𪛗

一

𪛗

王同署



光緒甲午冬
月刊於四明

序

錢唐高先生孟昇號節庵爲童子時卽通經習爲文章
既長學博而識遠才大而器宏洪武間年踰冠有司以
文學薦之于朝遂登仕版三爲校官皆有能績今天子
統御之初求賢良以佐治於是擢爲宗人府經歷宗人
府貴要居諸府司之右經歷雖幕職在朝文武官屬雅
相敬重永樂四年詔選四方名儒會于文淵閣纂脩永
樂大典先生入爲副總裁編摩有方同館之士咨訪惟
多公退于家求詩文者踵相接又皆訓應如響略無難
色故人無不景慕之素嗜吟咏或登山臨水悼古感今
或花時月夕賓友燕賞或贈別懷舊題咏圖刻莫不有

節庵集序

作必合於古今體製一不苟成也先生之第二子廉
手持其節庵集者過余請序爲之展卷諷咏其純雅者
如韶護之迭奏其穠儷者如綺組之錯陳至於宏放逸
發如江漢之奔流曲折千里而不可遏也可謂一代之
奇作也歟余時奉命監修大典與之處久而交厚序可
得而辭乎於是與廉書其梗槩於卷首云吳郡姚廣孝

欽定四庫全書總目

節庵集八卷續編一卷

明高得賜撰得賜字節庵錢塘人遷居臨安洪武
間有司以文學薦三爲校官永樂初擢爲宗人府
經歷充永樂大典副總裁是集首雜著一卷次各
體詩七卷鄒濟嘉誌謂其生平彙多不存故所錄
僅止於此誌又稱得賜與修永樂大典分掌三禮
編摩有方今核所纂三禮諸條於前人經說去取
尙爲精審蓋亦博識之士其詩文以清麗爲宗如
曲澗迴溪瑩澈見底而一往清激尙少停蓄之致
姚廣孝序乃以江漢奔流曲折千里擬之過其實

矣

節庵集提要

一

成化杭州府志列傳

高得賜字孟升錢塘人號節庵性警敏日記數千言以文學薦授臨安縣儒學教諭陞高州府儒學教授擢爲宗人府經歷纂脩永樂大典爲副總裁官進講春宮善屬文尤長於詩卒金臺寓舍所著有節庵集

萬應錢塘縣志列傳

高得賜字孟升號節庵錢塘人處士一元之子洪武間以文學薦授臨安縣儒學教諭陞高州府學教授永樂初召爲宗人府經歷纂脩大典爲副總裁官進講春宮博學洽聞詩文純雅名重一時

節庵集志傳

節庵集目錄

卷第一

雜著

卷第二

五言古詩

卷第三

七言古詩

卷第四

五言律詩

卷第五

七言律詩

卷第六

七言律詩

卷第七

七言律詩

卷第八

五言六句四句

六言四句

七言四句

七言排律

五言排律

節庵集目錄

節菴集卷第一

錢塘高 得陽 孟升

雜著

河清頌 有序

永樂二年冬十二月平陽府河津縣黃河水清
汭流而西十有餘里稽諸傳記河清爲至聖之
君之大瑞而平陽河津實堯舜所都河清於此
此天地之心特以顯明當今聖君有堯舜之盛
德也夫美盛德之形容必於歌頌見之臣雖蕪
陋奚敢默默謹拜手稽首而獻頌曰

巍巍天朝重華承堯盛德孔昭內難既平萬國來庭天

節菴集卷一

清地甯河爲瀆宗黃流蕩衝澄清罕逢天眷聖人肇啟
昌辰馮夷效神臨汾暨蒲堯舜之都清而不污千百里
閒走沙淤灘隆冬盛寒乃於是時不凍不澌自古無之
雲斂霞舒倒影涵虛天與水俱澄澈淨明豈徒濯纓可
以鑑形居民話言使臣周爰詢其本源發於崑崙經於
龍門至於河津流云晝夜駿奔匪撓而渾聖矣我
皇比隆虞唐天發其祥黃河水清清應龍興以開太平
臣沐恩波作頌以歌耿耿不磨

平安南頌 有序

皇帝登大寶位爲天下主內安中夏外撫四夷
日月所照之處莫不來庭於其來也一以誠意

待之盡懷柔之道而不鄙其所爲厚燕賜之禮

而不較其所貢一視同仁之心唐虞三代之治

不是過也比昔安南孽臣黎季犛祇受王封罔

知感戴淫刑虐政以暴其民狂謀妄計以肆其

詐遇我命使侵我邊陲至於謬立二都僭稱兩

宮建國紀年靡不爲之皇帝垂憐海隅蒼生罹

其荼毒命將出師聲罪行討遂乃蹴生蠻於境

上破賊巢於江外闔門既勦餘黨悉平人蒙再

造之恩地復郡縣之制俘獻既至臣鄰慶快伏

惟皇帝陛下至仁如天大智如神剛斷出於中

成算授於外除暴救民在於一舉太平振武之

節菴集卷一

二

功前古所未有也臣稽之交趾本南越之地漢

武帝分九郡交趾其一也然而武帝兵窮武蹟

僅乃克之其後屢臣屢叛以至黎桓擅權猾夏

雖以宋太宗英毅之君莫之能平天啟清朝大

將徂征提兵萬里奏凱三月鋤其強梗保其善

良金鼓一勦談笑成功一何易也一何速也猗

歟盛哉臣嘗誦成周江漢常武之詩歌唐平淮

夷之雅每興歎羨今茲克清大憝平定一方較

其功績百倍過之是以懽忻踴躍忘其愚陋述

事爲頌謹拜手稽首上進詞曰

聖皇統御如日在中萬國四方照臨所同同一光明並

受其福育令一隅獨爲寒谷最爾南交蠢茲孽臣王章
在躬曾不知恩乃蓄狠心乃奮螳臂乃肆冥頑乃逞橫
戾職貢不脩筐篚不將狡眾鳥集敢爲跳梁昔害其主
以據其位復戕其後以絕其祀孤謀鼠計不知其非坎
井蛙臣欲以爲基二都謬稱兩宮亦擅紀年僭更國號
僞建侵我邊陲境入思明過我奉使道梗占城驅其善
良納於塗炭炮烙髡鉗靡有忌憚毒痛於民憤發於神
怒熏於天腥穢四聞司馬上言九伐有典除暴救民那
計荒遠桓桓上公受鉞於庭龍節虎符瓊弁珠纓百萬
貔貅雲屯霧擁眾一其心人百其勇斫山開筭渡水斬
關拔柵立堡聚糧如山乃復昇舟遠彼洮岸剗穴焚巢

節菴集卷一

入無阻開多邦之隘富良之江履其險峻有如康莊西
樹飛樓通其窟宅北列樓幢扼其離磧雖有鉅象千百
爲羣倒戈相攻蹂躪衝奔援絕技窮室家莫保喘喘何
之偷生海島遙躡其蹤神哉我兵自天而下相顧失驚
城頭社傾江遠轍迴羣醜闔門纍纍就縛旌旗如雲鏡
鼓如雷萬里獻俘生致渠魁一酋既殲百蠻破膽攸徂
之民仰戴知感昔漢爲郡其地幾何今所建置十倍其
多舜誅四凶在彼可怒法令既申已復何與皇仁一視
咸與維新祛寒銷陰六合同春大明當天光昭率土臣
作歌詩無愧常武

聖孝瑞應詩有序

永樂四年丙戌之歲十一月庚申詔建金錄大
齋於朝天宮分閱琅函於神樂觀洞神宮恩酬
罔極福被幽冥預會道士凡五千人元範肇修
瑤壇肅啟翼日辛酉青鸞白鶴自神樂觀翔舞
而來壬戌大駕躬臨祥煙佳氣聚爲寶蓋覆曆
輦輅癸亥神人降神樂觀傳呼者三甲子慶雲
見乙丑甘露降丙寅車駕載臨慶雲紫氣復見
鸞鶴至者數百戊辰值太祖高皇帝景命之辰
醴泉出神樂觀甘露降孝陵己巳雙鶴迴旋於
醴泉之上十五日辛未百官上表稱賀其夕皓
雪大降適當臘前尤爲嘉瑞伏惟皇朝以孝治
天下是以天不愛其道地不愛其寶諸福之物
希有之祥同出於一時咸見於京師前代所罕
聞也聖人之德何以加於孝乎信矣臣幸獲親
覩慶抃曷勝恭卽瑞應之大者爲歌詩八章謹
拜手稽首上進

節菴集卷一

四

天降甘露

神漿降兮靈液垂玉蕊蕊兮珠纍纍疑如脂兮美如飴
風不銷兮日不晞貯寶甕兮載瓊卮和王屑兮進瑤墀
表至德兮應昌期

地出醴泉

白鶴下兮青童過瞰碧瑩兮通銀河湧黃流兮漾金波

挹甘香兮燭沈痾春滿懷兮顏微醺至醇兮釀泰和
枯槁榮兮膏澤多

青鸞羣集

鳳之族兮神之精備五色兮揚微青冠雞紫兮尾魚赭
發丹邱兮越赤城整綵翮兮上帝京聆仙璫兮下太清
引絳節兮導霓旌

白鶴重臨

飲瑤池兮咏芝田秉剛風兮馭祥煙駕玉眞兮載瓊仙
始一會兮歆靈筵載雙飛兮盼神泉白而蒼兮蒼而元
永延長兮壽萬千

神人效祝

節菴集卷一

五

啟永思兮伸至懷秉恭默兮致心齋存三景兮注九垓
綠章進兮天關開帝心簡兮曰俞哉傳山呼兮下瑤臺
有神人兮自天來

寶蓋隨車

五綵霞兮三素雲團蔽韃兮結氤氲倚翠華兮擁丹輪
金支燦兮龍鳳文玉羽展兮鸞鶴羣覆象輅兮入金門
相追隨兮奉至尊

慶雲捧日

爛漫漫兮鬱蔥蔥紛郁郁兮藹重重捧日表兮天之中
乘一氣兮從飛龍煥五彩兮被琳宮惟大孝兮與舜同
承華景兮歌百工

瑞雪迎臘

奏金籙兮回鸞鑣散六花兮徧九霄芳菲兮臘前飄
輯美瑞兮英瓊瑤璫璫幹兮玉燭調時升平兮歲豐饒
明堂開兮萬國朝

駒虞賦有序

永樂二年九月九日周王殿下貢進國內所獲
駒虞詣闕上表于官稱賀萬姓聚觀誠前代所
希有寶國家禎祥也臣欣覩盛事謹拜手稽首
述而爲賦其詞曰

大明麗天聖人在位育物以仁制事以義四夷慕德而
咸賓百靈助神而效瑞嘉禾同穎既屢兆於歲豐野繭

節菴集卷一

六

成絲又廣資於民利正重華熙洽之辰大一統文明之
治爰有鉅獸貢於清都首如狻猊身如於菟馴服有大
象之性品流寶麒麟之徒其質孔白玉雪爲膚其章則
元金薤紛敷有掉者尾長踰於軀造化錙其神秀山川
聚其扶輿光華爛若文采燦如茲非經史傳記或美其
仁或嘉其義而其名謂之駒虞者乎斯獸之良爲世之
祥其出以時其應非常不於僻壤不在殊疆嵩高峙乎
天中地靈發於鈞陽雄藩開賢王之域福庭閔神后之
鄉陰風氣之渥固宜託迹而徜徉茂樾護深居之遼爽
籟助清嘯之長林鬱鬱紆巖穴清虛樵蘇紛然遊息自
如往而于千來而徐徐行不據蹕止不負嵎白鹿爲之

後從赤豹爲之前驅不食生物不踐生芻鷃搏之才夫
豈不足純厚之德真若有餘雨露之膏澤下被天地之
至信中孚靈臺預占於象緯瑞光已動於衡樞見而際
亨嘉之會來而叶太平之符承東顧於鶴駕效南徙之
鵬圖視千里於一瞬望九關而遙趨爾其道汝穎經濠
梁度天塹遠康莊長河護龍而利涉晨門儀鳳而高張
奏前陳於丹陛詔許見於明堂穀旦巧值菊節惟良漏
聲嚴催平曉箭爐煙初裊乎天香旌旗動龍蛇之影環
佩肅鴛鴦之行啟金函而上進宣賀語之琅琅知天顏
之有喜重華夢之聯芳大廷之內仙仗之傍雕闌繚繞
寶栢榮煌初旭射而增耀彩霞暎而彌章間笙鏞之閒

節菴集卷一

七

作若拜俯之低昂文犀慙其寢陋猛虎見而傍徨惟環
觀之臣庶爭先覩如鳳凰相與興歎羨起掄揚稱治化
贊時康泳恩波之浩浩謫歌頌之洋洋同聲效乎三祝
盛事傳之萬方冀庶類之咸若同化育而蕃昌鹿鹿偕
其濯濯率舞共其踰踰乘風雲之慶會依日月之容光
樂終身於靈囿永奉承於聖皇賦已復爲之歌曰仁義
之獸古所稱兮圖存其象書載名兮閒雖一見在郊垌
兮未聞馴致登天庭兮帝王一心爲羣生兮况又厚澤
洞幽冥兮諸福畢集備休徵兮騶虞出世現真形兮黑
白成文秀氣凝兮元黃合德嘉祥呈兮九州四海播頌
聲兮萬歲千秋仰皇明兮

紫芝山房賦有序

建甯城南有紫芝山禮部尚書鄭公彥嘉構書
房其中因以爲扁以文見徵爲之賦曰

攬勝槩於武夷兮沂仙源於建溪瞰水西之玉洞兮瞻
維南之金泥一山屹立以獻奇兮掩羣岫而截衆靈草
產乎其陽兮燦金光之熒熒吐三秀而擢九莖兮初何
種而何根合鸞青與鳳丹兮疑紫煙而如雲伊泰園之
委和兮九方祇之寶惜滋之以膏露之華兮潤之以乳
泉之液一茹而飢可療兮再服而年可延豈無自而偶
生兮誠有開之必先名茲山以紫芝兮志發祥於往代
也人之傑而地之靈兮諒於時而有待也繫武公之苗

節菴集卷一

八

裔兮蚤探奇於其閒匪效耕於谷口兮匪追隱於商顏
構書房以藏修兮卽山名以題扁隔市聲於喧喧兮距
城闌其不遠朝思樂乎芹泮兮夕歸理乎芸編對生色
之畫屏兮納蕭爽於賓筵折青松以爲塵兮紉芳蘭以
爲佩資麗澤於同心兮來蕙裾之纖翠英聲蜚而翕翕
兮跡徒闇而彌章預寶興而計偕兮展鯢翼而翱翔策
臨軒而獨對兮摠素蘊而上進龍頭屬夫老成兮快青
雲之發軔攬金轡於驄駒兮綴余冠以神羊揚清波而
激濁流兮振廉察之宏綱轉隆寄於方面兮參雄藩之
大議宣德化於江沱兮播仁風於幽薊由中敷而外歷
兮擴氣宇之日充期上下之不負兮幸昌辰之繼逢六

龍飛而御天兮肇一新乎宇宙曰建官而必賢兮矧求人而惟舊大司寇之重任兮出廷授之至公副一人之欽恤兮制百姓於刑之中善日遷而恥格兮延淑問於無已夫既彌予之五教兮其尙典朕之三禮郊斯格而廟享兮相懋輯之蕃釐會萬國之職貢兮肅鵷鷺之羽儀持衡鑑於大比兮謫吉士其濟濟文昌明而泰階平兮覩天顏之有喜入荷囊以敬慎兮出退食而委蛇寓遐想於桑梓兮睇遙岑而長哦揭舊扁於新第兮恆心存而目注移邱壑於丹青兮儼釣遊之佳處衣錦行乎白晝兮豈徒名於里閭喬木之蔚如兮將有俟乎懸車衍世澤於推轂兮振家聲於聽履方重見於五色之

節菴集卷一

九

雲兮終焉躋於九老之齒仍紫詰之兼綰兮符紫芝之嘉徵記山房於家乘兮留故事於圖經帝衷眷其簡在兮風裁衰然乎朝著保令德而無斁兮尙以永於終譽

南薰賦

繫大塊之噫氣孰與名之曰風按八方而定位順四序以成功春嘘和而獻歲朔號寒而爲冬秋應商而肅令斂華實之光容惟九夏之薦薰獨有情於化工爾其南訛司時祝融效職陽鳥出水而上翔燭龍銜火而下擲大地一爐炎雲四赫暑方斯隆暘其有極而斯風也肇自巽戶盛於離方與與依依溶溶洋洋不疾不徐或抑或揚排綠樹而絕野度青松而踰岡溼雲舞庭槐之翠

晴浪翻隴麥之黃清入湘簾倚蘭遞幽閒之操香飄羅袂采蓮更窈窕之章起快哉之歎者方披襟而臨楚樹得悠然之樂者且坦腹而臥陶窗汗斂體而卻扇思到骨而甯牀惟人物之所被實長養之所望若乃蕩滌塵歎祛除煩鬱鼓天地之橐籥達虞廷之密勿答昌言之都俞和嘉謨之吁咈撫軫玉與徽金叶五絃之六律寓仁心於永言審時政之治忽故能敷布羣品潔齊萬物小大咸藉其吹噓卑高共資其披拂被九歌以長存歷萬世而不沒此其功之尤著非庸言之可述乃若繼聖立極因時行權矧一氣之合德與重華而齊肩嚮明而治人文明宣道有契於今古理無閒於後先絃歌娛乎

節菴集卷一

十

暇日清芬播乎長年尙聿修於此道故其興也蓋亦勃焉歌曰彼美薰風來自南兮入高堂之琴兮解民之愠阜民財兮慰臨軒之懷兮穆如清芬恩浩蕩兮旁通而曲暢兮願均此施萬民仰兮帝舜之在上兮

志雅堂賦

有序

虎林城中有雅飭之士曰姜潤華氏與其弟潤英日誦正葩之篇有所興起扁所居之堂曰志雅昭其心之所之者在是以文爲請余曰賦可也作志雅堂賦

夫何閭閻之紛拏兮中儒服而棲遲心有在而靡他兮舍古道其何之今去古若甚遠兮理在人而甚邇匪厭

俗而好奇兮唯性情之正而已齊武成之錫土兮古稷
下之諸姜木百本而葉斯蕃兮水有源而流長里仁厚
而家雍睦兮矧獨有此娉節由誦詩之三百兮於中心
而有得伯氏之吹塤兮仲吹篪而嗣音萃二難於一門
兮志二雅於一心審成周之音樂兮繼韶舞乎有虞關
雎麟趾之迭倡兮賡歌乃其權輿溫柔敦厚之爲教兮
風至雅爲尤正朝同氣以相求兮夕同聲而相應言始
承於鹿鳴兮次申以華鄂之章知急難之當親兮卽示
我之周行爰由此而引伸兮一君子之愷悌興飛躍於
鳶魚兮昭此理之極致或燕饗而歡欣兮又和悅而盡
下情或受釐而陳戒兮肅儀矩於彤庭考紀敘之小大

節菴集卷一

十一

兮關王政之事體成孝敬而厚人倫兮風俗移而教化
美彼巷歌與里曲兮非折楊其黃華入邑而喜其蕩兮
入國而悅其哇豈予心之所取兮甚異端之斯害回大
音於希聲兮觀舜文於昭代擴周道其如砥兮何鄭聲
之敢淫一咏而復三歎兮意彌長而味深此賢者之所
尚兮其一志而莫奪內友于之恭順兮外英華之煥發
堂渠渠而樸素兮春怡怡其載和感牘應之相春兮起
投壺之長歌花木秀暎乎軒窗兮文石芳聯乎荃蕙意
疑遠而地自偏兮移山林於城市揭斯扁於楣宇兮匪
自矜而實自戢向有望於述作兮追古昔於當今

靜學齋賦 有序

太醫院院判蔣用文氏家儀真之龍潭而京城
全節坊則其解宇之所在用文嘗以靜學名齋
文章鉅公著作盈卷未有爲之賦者因來徵言
遂作斯賦

當九衢之洞達兮宜人物之概稠居連甍而接棟兮行
結駟而並軌紛總總其徵逐兮芳菲菲其邀留出紛華
而入道義兮心恆戰而靡休中兩榮而一決兮時將見
夫斯人之儔尉秣陵之華允兮獨知止而好修企心齋
於千古兮樂所得之優游吾嘗歎其高局兮聊乘暇以
夷猶門軒宏以延爽兮逕窈窕以通幽飛花散乎晴簾
兮嘉樹蔭乎清溝來惠臨之文旆兮納徑造之華駒喜

節菴集卷一

十二

襟懷之瀟灑兮悅親話之綢繆口其學之定向兮唯靜
之是求談壺聲而中理兮頻繭絲之長抽審先幾之生
乎動兮僅一善而三尤口吾初其不遠兮知既放而當
收始寂然而無聞兮口六鑿之雕鏤中泊然而無營兮
廓心境其悠悠終滴然而有感兮通萬變而應酬苟於
是而能安兮庶入乎聖域之優夫豈冥塗而肆步兮迷
其津而妄泗將徒思而無益兮奚明愚而強柔顧夙儲
之編簡兮直充棟而汗牛先六經以爲本兮後百氏而
旁搜人文肇自義軒兮天理闡於魯鄒得於心而不失
兮施於用而克周朝褰帷而玩味兮夕繼晷而焚油遇
傳記之忠孝兮必再四而繹細感萱闈之向邁兮思駐

景其何繇起居謹夫茵几兮養知備夫膳羞唯多病之
所須兮含藥物其焉謀慨茲事非細故兮忍委之於庸
流敗九靈與太素兮別脉絡之交鉤回生意於沈頓兮
匪瞑眩其曷瘳處恬淡而閑邪止移精而視由推格致
之妙用兮又何事弓冶而先箕裘全人生其有術兮畢
新年其無憂導餘波於上池兮流芳譽於中州雖九死
其阡危兮藉一己之見投典從容之美任兮日趨近乎
瓊樓方功名之鼎盛兮足青雲之宦遊名門俯乎龍潭
兮舊業依乎鷺洲承先志之謹嚴兮授家學之春秋注
心目於華扁兮豈專慕於武侯仁者靜而好學兮微顏
氏其依疇矧良醫之有濟兮與相業其相伴躋斯民於

節菴集卷一

三

上壽兮尙益贊於皇猷

慈烏圖贊辭

武庫員外郎海昌俞倫善事親家有慈烏圖余
爲之贊

維鳥有烏由鷦而雛本乎天性知有母軀每返哺以資
養縱旣長而弗渝母也充飫已甯飢虛載飛載鳴相依
相於雲霄之上雖乏華彩可以媲乎鳳鸞之侶天壤之
閒乃有至行可以愧夫梟獍之徒或萃於冠或集於廬
示人以福至之兆表世以誠應之符詩人美而見詠畫
史愛而爲圖嗚呼烏乎誠白傳所謂鳥中之曾參是矣
今吾於俞又將以爲人中之顏烏然乎

節菴集卷第一終

節菴集卷一

十四

節菴集卷第二

錢塘 高得賜 孟升

五言古詩

雜詩八首

皎日出東表孤陽燦羣陰金輪御中天萬物同照臨
出入光輝中孰知功最深唯有花間葵傾注長一心
猗蘭有清香況爾春風囑正應一室間長與善人居
綠葉汎崇光芳菲倚前除玉樹在其側輝暎復何如
江上芙蓉花紅素千娉婷晚色淨涼雨鮮麗度芳馨
故人渺何許一水秋盈盈折之遠莫遺悵望獨含情
秋露白於玉夜滴青松枝元鶴乃有警長鳴當此時靈

節菴集卷二

一

物感陰氣豈惟寒迫之悽其壯士懷惕然亦如斯
我有綠綺琴幽懷託之寫見客不惜彈當有知音者
冷松風生浙浙竹雨灑毋云無新聲我志在風雅
仙人雖遺世游戲時往還乘風下鶴背翻身入壺間
我欲往候之非能叩元關刀圭幸相授持以駐親顏
錚錚代舍鍊濟濟侯門裾彈將秋月上曳逐春風舒
義苟自勝紛華焉得如秋清春正和且還讀吾書
川流既沄沄原泉復混混逝者靡有窮來者詎無本
一哉聖賢心開示何繾綣進德貴自強語道誠不遠

南園

南園閒曠地日涉頗成趣坡陀帶岡阜憑虛足延伫振

衣林影亂夕陽在高樹歸來有新詩情境適相遇

夜坐

攬衣起中宵舉帷月初上風林動素光石澗流清響
平生學道心坐與歲年往援琴不成彈無因寄遐想

初春喜雨

潤物莫如雨況於發生時泉脈既活動土膏亦華滋
茫宇宙間一一甘澤施欣欣各有得蕩蕩本無私
大哉皇家恩及民正如斯擬招擊壤翁來聽康衢兒

春日對酒

玉壺貯美酒置之春風前幸與良友共爲歡豈徒然
一倡白雪辭再整朱絲絃蝴蝶東家來雙舞花爭妍
急觴

節菴集卷二

二

雖快意徐引容款延豈曰惜芳景樂茲太平年

者山菴爲無爲張真人賦

羣巖緣清溪孤巒出重霄巋然丈人行仰止非一朝
開雲結層廡爲此青岩巖諸峯似諸孫相拱如相朝
幽探得奇勝燕坐息喧囂龍劍卓其傍百靈不敢驕
延釐贊至治歌詠諧鈞韶時來金華牧或遇青城樵
紫芝初無根黃精元有苗服食體可移願養神自超
畢道方迴車何在搏扶搖從茲至千歲長向此逍遙

送寧上人回吳興

上人雪川秀法筵推巨擘教乘浩如海涉歷欣有得
雨軒雨華時言下見眞的的意既解知虛名諒何益
小隱

徒勞人西湖漫招客向來受業處安溪水精域平生香火情詎忍付榛棘耳根松風聲已度舊泉石過我索送行爲問果何適白雲在虛空去留本無迹

陪徐教授觀朱清翁宅牡丹分韻得寄字

清翁喜玩芳名卉無不藝牡丹赤城本涉海遠移致歲月培深根春風育生意重臺冒千葉大朵壓孤蒂蜂黃注額鮮猩紅入肌膩雕闌周遭圍牙籤後先記同心或許看俗眼那得視廣文夙昔交花時欣一詣預約耆英從亦不寒晚棄良辰屬微暄久雨適初霽杖履踏春泥尊疊臨午砌勝賞愜所懷良會匪容易盍簪主賓歡移席肴核異延留頓忘歸談笑不知醉行樂須及時人生

節菴集卷二

三

信如寄

題淵明漉酒圖

酒中有妙理飲者未盡知千古一陶翁嗜此能自怡秋菊生幾叢芳菲繞東籬掇彼露中英汎我風前卮興來自飲滿客至聊共持今晨新釀熟正好斟酌之葛巾淨垢羣卒亦可醺笑將代筇篲驚者集童兒一巾安足惜我尚簪紱遺頭顱已如許爲歡能幾時悠然北窗臥快哉南山歸生世徒物役不飲誠何爲游神太古初春臺共熙熙天命信可樂於焉復奚疑

題錢舜舉紅白蓮花圖

服玉既有方瓊霞豈無訣兩兩仙之人心同顏色別一

從謫丹邱雙飛下銀闕襪羅夜侵涼衣錦春蒸熱遺之紫瓊霜報以胭脂雪穠華詎易保貞素諒難涅永結白首期莫待紅芳歇波聲散鷺鷥吳儂正愁絕

孟夏齋館情會分韻

綠樹生晝涼風清雨初止齋居寂無營澄心澹如水高閣誰共想伐木歌未已小車花外來慰浣良可喜道術固相忘妙論該物理爲樂世應多此意知者幾

風雲壇次王達善學士韻

雨暘旣時若年穀咸順成四海懽心同願爲聖人氓秩宗典三禮祈報嚴遵行親臨來風乘壇壝生光榮夙興視何漢泰階中夜平涼隨白露入晷逐金風情馨香敷

節菴集卷二

四

至治豈獨感神明

題王子華羣卉圖

大化無停機品彙各生植春華爛陽蔭條綴秋實物物具太極一生意全至人悟物理坐閱歲序遷偉哉愛蓮翁窗前不除草自家意思同可與知者道天天桃李花顏色殊可嘉朝榮夕乃悴零落隨泥沙幽蘭及秋菊寒梅與脩竹雖乏嫵媚姿清貞異尋俗是以君子心雅好非等閒要令山水趣長在庭除間秋風無時生霜雪被崖谷願言崇令德歲寒以相勛

和崔原撫書懷二首

雅志在山水端居向幽僻廓然心境虛萬籟自虛寂雨

壁蝸涎枯風定燕泥溼鉤簾一憑軒雙梧眼中碧
一水不可越閉門清晝閒美人渺何許清風逸難攀野
鶴玉雪姿乃在泥滓間安得住相近論心日往還

題盛子昭小景

茅堂溪上立溪水三面繞波光入虛隔玉壺蕩空渺遠
與城府遠而無塵俗擾秋聲減楓梧晚色集蘋蓼孤吟
不出戶思在雲樹表故人扁舟來厚意慰幽悄便當掃
羅逕速爲致清醪近作得細論佳趣應不少

陪壽椿堂得燕字

良辰度書雲初雪被芳甸主家樂豐年華堂具珍饌維
此座上賓於世不多見道德副令名勳勞注深眷葵香

節菴集卷二

五

鵲尾爐濡筆鳳唳硯幽賞愜所懷歌詩紀清燕

遊清涼報恩寺

清涼古淨域乃在城西門前富紫陌首後枕蒼山根重
岡松檜合一逕喧寂分金書煥新額琬琰粲華文梵宇
壯神京寶帟開宗藩曰維象教力可報君親恩付囑語
在耳修敬道彌尊維時屬承平芳春布微暄幽尋動佳
興駿馬聯高軒朝回蓬萊宮訪此祇樹園談空理深契
結願香猶焚翠微開竹房雲蘿青可捫亭前桃李花翩
其隨風翻宛然芬陀利從天雨繽紛樂哉今茲遊慰我
夙昔聞明朝向城市卻望山中雲

趙高士謙萬竿煙雨圖爲方向書賦二首

誰傳此君神機纖稱長短隱然千萬竿清風座中滿醉
雲三昧手嗜此廢編纂平生足所滿歷計門可款酒闌
據林軒茶餘憩池館得意雲霞箋泚筆冰雪盈淋漓夜
雨寒香靄朝煙暖詎忍付魚綸端宜裁鳳管

聯娟得地生清秀信天產律呂固可諧材器未易束白
雲幾葉孫青年登仕版吾鄉士如林穎脫見誠罕森森
玉荀班表表驚人眼豈惟人眼驚況在帝心簡雅德配
瑤琨貞姿歷樗散助哉歲寒期永言歌瑟調

送童伯賢赴德安府教授

臨海有佳士氣質清且和少小富文學華年擢高科擢
爲千里師坐見九載過秋闈與春貢得士何其多重攜

節菴集卷二

六

教鐸去清音振江花采采泮水芹菁菁中泚莢成效日
章著令聞益巍巍行當副徵用因風聽鳴珂

夢遊武夷

維南有奇山仙人所遊翫苟非登躋艱凡蹤日掠亂丹
梯緣青冥臺榭擁樓觀稍出林樹幽始信仙凡判遙天
倚圓蓋四顧無際畔油油白雲生乃在山之半自嗟筋
力弱敢覬胎骨換山花笑如迎山鳥欣相喚徒驚聞棹
歌未得褰亭幔欲覺詩已成誰能更塗竄

書袁庭玉族譜圖後爲尙寶丞忠徹賦

日湖碧澄渟雲鄧青嶽崇袁翁生其間雙清歸一攝才
美既瑰奇經史更漁獵平生兩眸子巖電光燄燄偏閱

郡國人不作兒女囑恩承天九重寵被日三接老氣秋
崢嶸風韻春和協容臺謝事餘京居雅懷愜華簪映鳥
紗白鬢照紅顏門前小園圃疎花戀幽蝶等閒不屢看
清興時一涉雪晴擁吟裘泥香移步履佳兒不負承金
階早攀躡養志意素堅好禮情逾淡豈徒讀父書尤知
謹家牒錦軸張芳圖珍藏啟箱篋見過徵品題自顧誠
衰爾相期非溢美駿足方高驥矧當聖明朝宜樹遠大
業上以慰翁心下以振來葉

送徐文穆從弟敬赴漳浦訓導

徐門故名家唐卿昔通譜芝蘭玉樹間敬也復翹楚振
振翠麟角燿燿紫鸞羽經明得師承才高出儕侶承恩

節菴集卷二

七

入清選司訓起初武好山接閩南大邑美漳浦氣冷產
珍奇瘴息成樂土晦翁過化地絃誦儼鄒魯春芹秋桂
香登薦溢天府良由浚蒙泉庶可滋藝圃華年坐舉比
高齋講今古說然諸子矜肅爾就繩矩官階孰崇庠職
業在修舉矧惟敦學半於已豈小補實大聲以宏吾將
拭目覩張筵鳳城隅解纜龍江潯便道一過家畫錦勝
綵舞南風荔子丹到日及夏五有書勤問安雖遠若晤
語毋令池塘草夢隔三春雨

奉和椿堂少師寄柳莊袁太常韻

二老潛邸舊所寓常相依祇今巷南北乃爾會面稀椿
堂朝垂簾柳莊晝掩扉關心藥裏富調息爐煙微老臣

戀闕情有山都忘歸書函前近況詩筒續前徽尚憶平
生言頓悟行年非來往亦風流此願終無違

節菴集卷二

八

節菴集卷第二終